

卷四



書名 宗子相集十四卷 嘉靖三十九年序刊本
 撰者 明 宗臣 撰
 卷 卷四
 內容分類 集- 別集- 明中葉
 索書號 集部- 別集- 7- 104
 編號 D7451100

彩色首頁1

[東洋文化研究所漢籍目錄 編號: D7451100](#)

[東洋文化研究所漢籍目錄所藏漢籍善本全文影像資料庫 索書號: 集部- 別集- 7- 104](#)

[漢籍善本全文影像資料庫文本宗子相集十四卷 嘉靖三十九年序刊本](#)

版權所有: [東京大學](#) [東洋文化研究所](#)

[使用上的注意事項](#)

宗子相集賦卷之一

門人

趙秉忠
王同讚
陳學麟

鄭應齡
蕭時中
黃其暉

謝璿
魏廷言
王葵
同校刊

釣臺賦 有序

予聞嚴子釣臺舊矣丁巳秋予以叅

藩赴閩取道兩越始登厥臺徘徊焉

商飈西來萬山颯搖我心傷悲爰申

厥詞把酒放歌白雲莽互豈君之聞

歌而來哉

東方文化學院東京研究所
No. 1708

0 1 2 3 4 5 6 7 8 9 10







宗子相集五言選詩卷之四

門人

趙秉忠
王同讚
陳學麟

鄭應齡
蕭時中
黃其暉

謝璿
魏廷言
王葵
同校刊

省中

鳴珮下紫霄巖巖府中趨冠盖燦以繁羣
吏肅前隅晨風振遠楹宿鳥鳴高梧起步
忽不愜嘆此中懷孤揚雄草太玄相如奏
子虛執戟亦云晚遊梁意何迂西京有七
貴黃金步天衢朝權浹車馬夕燕紛笙竽

富貴詎可常為樂亦須臾嗟彼榮華觀耽
此寂寞塗取舍一何戾志各有所須烈士
多苦心斯言良不誣

秋夜省直

驅馬叩高肩秉燭照清池冉冉見芙蓉白
露被華滋仰見明月光三星燦以垂蟋蟀
鳴重階繁聲一何悲感之長嘆息嗟此陰
陽移鹿鳴思野草宿鳥懷故枝人生貴適
志羈栖亦何為行行返舊服去去清江湄

此意良未申空令達士強

雜詩二首

結髮事明主忠義諒獨持出門遠眺望荆
棘生路岐路岐阻且深惆悵何所之中心
既不回艱危何足辭不暇恤其躬安能顧
所私譬彼東流川九折常如茲昔為志士
模今為壯士規寸心明白日比德千園葵

其二

灼灼園中葵結根高樹林綠葉蕤紫芬芳

華人所欽白日豈不照高林蔽其陰中懷
抱赤素誰為見予心予心何足惜惜此日
西頽白日如可待高林有時摧

擬古二首

冉冉江上蘭燦燦江中芷我友遠行役駕
言適江汜江汜波浪深嘆息從中起昔別
眷升敷今思暮飆紫遊子不旋歸浮雲日
千里

其二

驅車事行遊巖畔見芳草綠以芳草萋採
之遺所好徘徊歲云晏悠然傷我抱不畏
芳草歇畏此關山道關山阻且長客子行
將老

歲暮

歲事聿已暮百卉何摧殘驅車臨長河悲
飆激飛湍欲濟無方舟行路一何難陶潛
恥折腰貢禹彈其冠出處各有性焉能違
所安不見殮霞子飄飄青雲端

五子詩

東郡謝榛

謝生隱者流偃蹇來京國朝遊燕山東暮
 遊燕山北悲歌慨以慷驚飆奮孤翼興詞
 日百篇一一作者則嗟彼雕蟲子不得施
 顏色韋褐以掩形藜藿不充食榮華燁人
 世匪其心所惑盧生罹世網拔之一何力
 卒能脫其患言者長嘆息非君策高踪斯
 義久荆棘

濟南李攀龍

大雅久寂寥作者徒縱橫之子起海嶽吾
 道維其盟中心寡所諧長揖謝羣英眷言
 二三子斗酒懽相迎冥思何可測奇語頻
 自驚仰並雲霞俯與江河傾高冥墜白
 日非君誰與擎瑤篇一以出紛紛詘時名
 譬彼韶護奏缶音空爾鳴功名亦垂世無
 乃非其情

吳興徐中行

偉哉麟鳳才婉彼蘭蕙質含英難獨持芳
華耀朝日策馬入金閨聲名從此溢冠蓋
豈不榮而獨耽著述結藻何翩翩札札弄
緗帙駕言發藝林彷徨求侶匹隻言不中
諧悵望如有失燦爛繁星垂名篇諒非一
律呂聞淒鏘譬彼清廟瑟

南海梁有譽

瞻彼殫霞子萬里來羅浮結束長安陌聊
以寄薄遊中懷既不開兀坐生羈愁俛仰

一世間局促何所求鬱鬱遂成篇燦燦雲
霞流凌厲起高唱作者徒悠悠人生易奄
忽焉得無深謀黃庭一以悟萬事寄蜉蝣
振衣馭天風長逝不可留咄咄迷途客栖
遑良足羞

吳郡王世貞

天地亦寥寥斯人懷苦心弱冠厲高羽翮
翱翔藝林玄構入幽眇龍淵浚其深拂鬱
神氣動萬象俱蕭森閉門一停思白日常

陰陰雄視百代間豈復論古今高歌以慷
慨顧盼酬知音不測心所之世人空追尋
富貴亦云樂而非情所欽寄謝當徒子無
徒耀華簪

東明卿舍人

巖巖京洛間天門儼九重中有纓牟客翼
翼從飛龍朝聽北里竽夕聽南隣鐘嗟哉
揚馬才斯人不見容偃蹇以薄遊朝餐夕
不供抽翰燦春華揚藻凌高峰昔為一時
重今為萬世宗作者豈無傳誰能撷其鋒
寄謝同人心斯理諒可從

寄江鄉舊好

故人渺天末江湖阻書告忽接瓊瑤音綿
綿來遠道言採畹上蘭用以遠相報豈無
他物貽將投君所好

楊氏園亭餞別謝茂秦二首

名園開綺酌芳榭停軒車飛蓋凌青雲冉
冉振華裾尊酒以斟酌豐饌來中厨秦箏

五言選言
奏我旁吳歌慘不舒借問遠行子離思竟
何如倦此燕山遊去彼漳河居南北各萬
里佇望沾裳衣

其二

離思忽超越逍遙事行遊散步過華池笑
蓉夾芳流悲哉蟋蟀鳴淒切動我愁凝霜
莽零落明月澹飛樓感此歲華暮耿耿生
百憂居者不可去行者不可留去留兩不
愜何以慰綢繆

留別京洛諸游三首

迴飆振蘭皋秋氣何蕭森神龍思遠波猛
虎戀茂林駕言返故鄉念子思難任握手
不能別淚下沾衣襟四顧何茫茫誰為相
知音一為鴻鵠吟道遙內傷心

其二

與君結交心世人非所窺如何金石謀忽
忽在別離嬿娛不可再沉思令心悲君還
處金閨予將天一涯江湖渺浩蕩會面茫

五言送詩
七
無期行人從此去彷徨亦何為君其愛玉
體慰我長渴飢

其三

天風西北來蕭蕭動高樓搖落愴中懷何
以慰離憂念我平生親涕淚不能收豈不
懷往路為君暫淹留執手對長河情思良
悠悠願言俱努力千載崇良謀

還至別業 五首

游子倦行役歲暮返舊疆舊疆鬱壘壘觀
者嗟道旁入門見所親涕下各霑裳束髮
去家園骨肉參以商山川阻悠邈一別永
相望何晤今茲夕還復登高堂兄弟勅中
厨堂上羅酒漿酒中阿母言見女重徬徨
女今幸來歸女父在何方聞之益隕涕四
座莫不傷

其二

父老聞我旋走書來相存長者擅貂綸幼
者奉衣巾盤飧多豐膳絡繹在吾門倉皇

五言送詩
出肅客俱我平生親長揖失次第各各叙
寒溫坐中起相勞行路多風塵如何客子
顏反若生陽春自女遠行游鄉園難具陳
豺虎滿路衢白日愁行人朝餐藜與藿夕
卧無安衾飢寒且不保骨肉含苦辛父老
重起詞方與子所云子其勿語人恐令長
吏嗔

其三

結髮游藝林翩翩二三子聞我返田廬亦

復來相視我切雲冠蹒蹒東郭履入門
將我衣嘆息傷情理長跼前謝客故人心
乃爾昔者遠行邁悠悠三千里寒暑忽以
流眷念桑與梓况我同心者愴悽何能已
客請勿復嘆主人聊唯唯堂上列旨酒堂
下薦嘉鯉今日樂且樂懽娛從此始

其四

驅車出郭門遠望陌與阡四顧以徬徨我
馬忽不前別家僅俯仰所歷何推遷高臺

或為池崇岡或為田墟里千百家蕭條無人煙壯者日以衰老者長相捐紛紛少年子白馬鳴華鞭旦夕成老醜短褐不被昔者人所欽今者太可憐見之感我心淚下如流泉

其五

駕言俯長河行行至南浦荆棘一何深
我舊時渡三年滯行旅今日返其素階上
蘭蕙花是我昔所樹搖落蕭艾旁芬香日

以故洲渚鬱蒼蒼瞻彼鷗與鷺若或見其
儔翩翩翔且顧狂者不可追來者猶可悟
行矣事春耕秉耒躬晨霧寄謝逍遙子與
爾諧中路

寄李順德于鱗二首

聞君出帝關手握五馬符朝發盧龍溝夕
息涿鹿途白玉掛金衣黃金耀君軀志意
殊揚揚千騎為前驅雄聲滿四隅英名照
八區觀者擁長路皆言使君殊使君自有

志豈為功名圖一麾乃出守悲哉吾道孤

其二

煌煌京洛游四顧浮雲色興詞擣雄藻千
載無終極悲風起中天奄忽乖羽翼伊予
歸舊疆之子守順德去相萬餘里愴惻動
心臆登高遠眺望惟見荆與棘日落豺虎
吟狐狸潛道側願保金石軀慰我長相憶

贈王元美二首

送子上河梁悲風下大荒右顧渺太華左

顧迷扶桑振衣千仞巔風塵杳微茫爾獨
事遠役駕言還帝鄉對酒不能飲慷慨情
內傷送君日以遙思君日以長安得凌風
翼與子共翱翔

其二

執手重行行步出城南隅飛蓋凌青雲良
馬躍長衢行人不可留中心鬱以紓子如
雲中鴻予如汀際鳧浮沉既異勢羽翼何
時俱努力事功名宏此壯士圖願言俟嘉

譽慰我心區區

山中與陸長庚

秋日事行游游此清江湄俯視青鳥翻仰
見白日馳人生寄一世風塵豈足羈貧賤
安其常富貴令身危浮雲起西北帝鄉不
可期甘此茂陵渴愧彼首陽飢商山有同
調行行歌紫芝


得吳明卿書

瞻彼雙飛鴻羽翼何參差哀鳴下前庭素

書忽見貽開函長跪讀一一故人詞相違
日已遠猶能憶吾私忽思疇昔容惆悵使
心悲受君雙文綺報君雙桂枝此物未為
貴聊結山中期

懷謝山人茂秦

驚颿動四野白露下前除攬衣起四顧悠
然懷所思所思亦何在乃在漳南居朝設
穆生醴夕曳鄒陽裾西園事行游飛蓋列
應徐近者日以親遠者日以疎不念同心



人所須在音書音書不一寄何以慰躊躇
三復游燕篇躊躇聊以舒

寄子與

清晨發東郊蘭蕙何灼灼採之遺我友我
友在京洛道路邈以修羽翼誰能托但恐
霜露垂馨香日零落

七哀詩為伊氏作

驚飆動高林荆榛迷路岐中有愁思婦哀
嘆一何悲借問悲何為乃為良人思良人

一以逝十載空守帷十載何足言千秋常
若斯風波一朝起骨肉以相疑生者不可
拒死者不可追寧使妾身捐豈使妾行虧
痛哭迴白日慘黯黃雲垂青山一墳絕重
泉以為期寄謝朱顏者貪生良足嗤

送客

客子向何方車馬朝日馳執手野彷徨送
君清江湄江水一何長悠悠繫我思出門
有岐路世情多嶮嶮黃塵摧入顏玄霜切

五言詩
人飢去去勿復陳願君愛光儀

夏日池上坐

朱華蕤清漪庭草淒已綠歲月忽以馳流
光傷局促古人亦有言夜游當秉燭感此
傷我心前修以自勗逍遙放情志胡為自
躑躅結廬在崇岡極眺滄浪曲朝游濯吾
纓夕游濯吾足自知非至理聊以從所欲

聞錢惟重使楚寄贈

清夜事行游去上西山址百卉何腓腓荆

榛被廣路明月照我懷浮雲莽不止對此
感我思嗟彼遠游子遠游在何方乃在瀟
湘裏道路阻且修相去萬餘里顧瞻雙飛
鴻眷言未能已

李伯章郵歸來訪

秋飈厲長空鴻翼已高翥渚蕙日夜零庭
臯被白露攬衣起長望同心忽相顧入門
見顏色慰我遙思慕我有一尊酒聊以結
歡娛君其勿遽行豺虎滿中路

贈孫子升文學

故人何處來車馬忽東驚別後髮空短花
前首重聚送君江上舟徙倚江上樹江濶
正風波君且未可渡

又得明卿書

秋色滿天地悲風動高臺浮雲慘不舒白
日忽已摧遠念客游子鼓楫瀟湘回北顧
金馬門東望滄海隈不念舊所懽棄置如
塵埃傳我尺素書抽翰空徘徊歷歷天上

榆冉冉庭前梅相思難重陳嘆息生餘哀

秋夜

秋風起高閣明月照芳池俯視清波流仰
見羣星垂翩翩池上鳥羽翼何參差攬衣
起四顧白露被華滋冉冉青桂叢采采梅
花枝鳳凰久寂寞紫簫空自吹

秋夜寄陸子和

攬衣步前除白露被高桐枝葉莽零落大
荒回悲風明月起夕愁東壁鳴寒蟲四時

一何速天地無終窮嗟彼客游子終歲常
飄蓬十月無寒衣薇藿腹不充何事不歸
來孤此青桂叢欲寄尺素書不見雙飛鴻

寓湖上柬高子明徐養浩

伊予好幽棲江湖任所適風起萬波驚日
落千山寂悠然命朋好中流移畫鷁紫石
亂蒹葭明月散蘆荻散髮事逍遙停觴恣
探歷山上落梅花坐中翻玉笛誰共繽紛
子世路任憂戚

雜詩

古來有志士壯心驚自竒仗劔倚天外蕭
颯雄風吹遠望一世間荆棘生路岐不若
棄之去身世交相遺南山可採薇北山可
採芝結束向風塵惜哉爾空為接輿歌衰
鳳莊周畏為犧二子有至意可為達士規

出郊訪黃山人

駕出發北郊芳草萋已碧晨風叩石門
此棲霞客翩翩倚杖迎嗟哉髮何白携手

入中洲四顧感疇昔君着東郭履我着東
山屐行採山上芝坐倚山中石客有一尊
酒相藉終日夕醉來自盡觴君其勿相迫
留別子培舍弟七首
驅車上河梁顧舊鄉國倉卒骨肉親彷徨
動顏色子亦竟以南予亦竟以北本是雙
龍居胡為乖羽翼送子從此歸涕下不能
食子其從遠猷慰我長相憶

其二

相憶在何所乃在河中洲結廬俯曲沼芙
蓉夾清流飛蓋凌朱霞逍遙事行游白鷺
翔我側鴛鳧戀其傳駕言邁遠役嘉會難
再留引領內感傷行行懷百憂

其三

百憂何殷殷坐令盈懷抱况乃歲云暮霜
雪被長道遠望何蕭條驚風摧百草當此
別離情況思令人老歲月不相待所欲在
蘭藻雲霄有遐路致身胡不早垂堂古所

戒畏途慎自保

其四

自保良不易致身諒獨難豺虎在人羣平
居有波瀾躑躅紛四顧終歲勘燕歡君子
慎厥趨取舍從所安艾蕭滿中路涉江多
芳蘭不見採蘭者萬古起長嘆

其五

長嘆何終極感此人生累貧賤俗所輕富
貴俗所忌豈知達者心志各有所寄冠蓋
五陵豪莽若朝露墜偃仰一世間慘淡起
遐思文章以經國千載無終始去去勿復
陳慎此青雲器

其六

青雲紛四極不翳明月光高臺一以眺遠
思從蒼茫鴻鵠在中澤豈為謀稻梁神哉
蛟龍志尺瀆寧終藏丈夫志四海廖廓相
翺翔朝遊過崑崙夕游畧扶桑無學兜女
仁白首戀故鄉

其七

故鄉不可望錦江迥且深
竄時東西渺無極傷此遠別心
寒風下庭樹宿鳥棲高岑
對酒不能酌為子鳴瑤琴
琴聲一何悲泪下誰能任
慰此骨肉懷歎誠惠我音

湖上送徐子與

別君金馬門逢君大河陽
相看動惆悵涕淚沾衣裳
斗酒且為樂清歌夜未央
念子遠行役道路一何長
嚴冬萬木落白露為

玄霜搖落愴中懷起視明月光
携手復行行南北各一方
風波不自保天地遙相望
念此傷我心對酒不盡觴
願為雙黃鵠與子共翱翔

渡淮

白日下大川飄飄御方舟
浪波漫浩浩蕭鼓發中流
中流振天風魚龍莽沉浮
恍惚對混沌須臾過千觴
黃河天上來奔瀾不可留
萬里起寒色浮雲黯不收
范生思擊

揖仲尼歎乘桴窸窣千載後壯哉復此游

淮上雜詩三首

攬轡登崇崗車馬何縱橫王侯有第宅長
衢耀飛纓堂上列吳謳堂下鳴秦箏豪華
竟何在今古惟放生都尉豈足數為郎亦
何榮偃仰一世間長揖傲公卿獨負詞賦
才千載垂芳名對此長太息聊以舒鬱情

其二

寂寞韓侯居奕奕韓侯祠晨風動高林落

葉何紛披侯也未遇時偃蹇何足竒伏劍
逢真主百萬驅熊羆英畧照中原雄心狹
四維惜哉壯士規乃為兒女欺楚漢分鼎
立侯也胡其疑英雄偶失策萬古有餘悲

其三

世人重結交紛紛駢路衢貴者日以近賤
者日以疎嗟哉漂母心乃與世人殊壯士
困風塵誰為識雄圖况乃飢寒色一飯立
相呼一飯何足言感此心區區千金以相

五言選言
贈華名照四隅何世無英雄按劍疑投珠
瞻彼垂綸者淚下連衣裾

贈黃戶部

主人敬愛客招我清江湄悲風起天末白
鷺羽參差方舟揚素波簫鼓傳山陂中厨
出豐膳華筵列芳卮秦箏奮清聲淒淒一
何悲歌者歌自苦知音竟為誰懽樂不可
常去去從此辭風塵愴中懷令德以相期

贈伊文學

故人亦何在乃在青山東山家何寂寥高
樹來天風貂裘日以敝龍劍何其雄下可
制巨鼇上可斷長虹風雲起一朝寧復嗟
途窮去去重相思寄言雙飛鴻

贈施司封三首

涉江見芳草春華被遠岑薄言採其華將
以貽所欽顧念客游子分符越江潯江水
東南流波浪阻且深涼飆摧百卉孤芳孰
能任置之在懷袖無令歲寒侵日月忽以

五言送言
五
道馨香紛至今非君垂末顧誰能識予心
其二

昔君守南服伊予還舊磯沉浮既異勢音
告乖以違袖中有尺素遲彼雙鴻飛雙鴻
不可見嘆息霑裳衣思子忽若渴望子忽
若飢豈以負薪累甘詒代木譏中心諒無
他願君察其微

其三

清夜良燕會零霜下前除堂上羅酒漿堂

下薦嘉魚鳴琴雜清商音響一何舒酒中
客起言責我愚且疎主人前謝客茲夕且
懽娛今日昔所敦蘭芷昔所貽中心既以
諧豈為形迹拘古來重結交終始貴不渝
垂紳戒朝夕君言宜重書

牛渚望謝眺青二首

歲暮遠行役睠此清江湄顧瞻江上峰白
雲何歲蕤伊人昔結宇英詞光陸離歲月
不相待高踪邈何之采采山上蘭燁燁山

下芝芳菲未終夕白露忽已滋江流漫浩
浩佳人歸何遲山川無終極人生會有時
願言崇遠業千載與子期

其二

與子期何方迺在青山址白石何磷磷照
此澄江水下山擷江華上山尋石髓高風
一以逝浮雲日千里荆棘滿山隅巖洞日
凋毀玄夜啼猿狸白日行豺兕我欲往瀟
湘採彼蕙與芷採之欲遣誰之子不可起

悠然傷我心嘆息滿江汜

紫陽山

驅車上崇岡紫陽何崔嵬石壁倚萬尺悲
風日夕來吹彼蘭蕙花馨香莽以摧哲人
昔遁世結茅茲山隈微言破萬象精通遍
九垓山鬼夜不至天門白日開玄風忽以
邈流光照高臺不見松與梓唯見蒿與萊
浮雲黯以寂泠泠山泉迴俯仰長太息千
載有餘哀寄謝山中人漱石掃莓苔他日

五言選詩
息吾軫晞髮信悠哉

寄人

浮颿動廣野白日慘無色之子在萬里山
川渺難極豺狼滿路衢况復荆與棘我欲
往從之惜無晨風翼因風寄瑤華歲事日
云夕去往歎懽悰撫膺長嘆息


夜坐

燁燁江上蘭冉冉山中樹春風發華滋堪
以結吾佩如何蕭與艾忽然滿中路徘徊

不可問潛焉空隕涕

江門有懷

辭彼青瑣闥還予紫石磯駕言遠行邁晨
曦淒以微如何金石交一旦阻音微江山
修以邈寸心詎能違南山亦有蕨北山亦
有薇不見夷齊子嘆息將安歸



五

五



所
圖
書

